



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quomodo vasa sacra confiscauerit. Cap. XI.

urn:nbn:de:hbz:466:1-12704

incendit delubrū, & ipsam Apollinis statuam in cineres re-
degit: quæ intus lignea quidē erat, sed extrā auro obducta.
Quare cognita, Julianus auunculus Iuliani, orientis præ-
fetus, propere Daphnen contendit, quò deo, quem co-
lebat, mature subsidio veniret. Sed vbi vidit eū, qui nomi-
ne dūtaxat deus erat, in cineres redactū, verberibus cedit
ædituos: suspicatur tamē delubrum ab aliquo Christiano
incensum fuisse. Aeditui etiam dum vapulabant, nihil falsi
dicere voluerunt, sed incendium dixerunt non humi habu-
isse initium, sed ccelitus demissum esse. Et rustici quidam,
qui in proximo habitabant, eō aduentantes, fulmen se vi-
disse è cælo delatum affirmarunt.

Quomodo vasa sacra confiscauerit.

CAP. XI.

Verum impii Gentiles, quanquā hæc ita accidisse pro-
certo cognoscebant, tamen contra Deum vniuersa-
rum rerum moderatorem se armare cœperunt. Tyrá-
nus item sacra vasa in ærarium regium inferri, & portas Ec-
clesiæ, quam Constantinus ædificarat, obserari mādat, quo
nullus aditus illis, qui in eo conuentus agere solent, om-
nino pateret. Hanc Ecclesiam id temporis occupabant
Ariani. In sacrosanctum autem templum ad vasa sacra au-
ferenda simul ingrediuntur, Julianus præfetus Orientis,
Felix regij thesauri Quæstor, & Elpidius priuatæ pecuniaæ
& facultatum imperatoris procurator, quem Romani co-
mitem Priuatum appellare consueuerunt. Felicem verò &
Elpidium, cū essent Christiani, quò impio imperatori gra-
tificarentur, à vera religione ac pietate desciuisse ferunt. Iu-
lianus autem, cum esset in templo, aduersus sacrā mensam
minxisse dicitur: atque Euzoio eum prohibere conanti co-
laphum infregisse, dixisseque res Christianorum diuina cu-
ra ac prouidentia prorsus destitutas esse. Felix sacrorum va-
forum magnificentiam conspicatus (Constantinus enim &
Constantius splendidè & amplè ea confienda curaue-
rant) ecce, inquit, quam sumptuosis vasis filio Mariæ mini-
stretur.

KK

Quas